

rectiuscula plus minus breviter in rostrum attenuata pappo uniseriale e paleis 5 persistentibus longè attenuato-subulatis scabris plumosisque constanti plumis longissimis deciduis. — Herbæ orientales annuæ facie *Picrides* annuas referentes.

Hoc genus *Picridi* e grege *Spitzeliæ* vel *Medicusis* affine ab eis egregiè differt pappo non annulatim deciduo multiserialeque sed persistenti 5 paleaceo longè plumoso plumis deciduis, involucri phyllis deciduis; a *Thriniciâ* et *Kalbfussiâ* pappo uniseriale etc. longiùs distat. *Deloderium* Cass. acheniis muricatis, setis pappi basi in paleam dilatatis plumis deciduis affine differt receptaculo subpaleaceo, formâ et naturâ phyllorum involucri, acheniis conformibus.

HAGIOSERIS GALILÆA. BOISS.

H. caule erecto basi rubello jam infernè dichotomè ramosissimo ramisque setis brevibus basi incrassatis sparsis asperis cæterum glabris, foliis margine et utrinquè ad nervos parcè et breviter setulosis oblongo-lanceolatis subintegris inferioribus basi attenuatis superioribus oblongis sessilibus basi amplexicaulibus rotundato-auriculatis, pedunculis capitulo pluries longioribus demùm fistuloso-subincrassatis sub capitulo squamulis 1-2 lineari-setaceis auctis, involucri phyllis exterioribus lineari-subulatis patulis setulosis dimidiò brevioribus, eis seriei interioris dorso carinatis undiquè extus setis aculeiformibus glochidiatis albis strigosis acumine subulato ciliato parti cymbiformi æquilongo terminatis, acheniis interioribus apice vix in collum attenuatis.

Hab. in herbidis *Galilææ*. (Boiss.)

Habitus et magnitudo capitulorum *Picridis Sprengerianæ*. Ligulæ subtus rubellæ involucrio subduplò longiores.

HAGIOSERIS AMALECITANA BOISS.

H. tota pilis albis tenuibus apice sæpè breviter glochidiatis setulosa, foliis radicalibus rosulatis lanceolatis repando-dentatis, caulibus plurimis brevibus a basi dichotomè ramosis decumbentibus, foliis caulinis a basi amplexicauli auriculatâ angustè lanceolato-linearibus acutis integris, pedunculis capitulo pluries longioribus supernè squamulis lineari-setaceis pluribus obsitis, involucri phyllis exterioribus angustè setaceis setulosis triplò brevioribus, eis seriei interioris rotundato-carinatis glochidiato-setulosis acumine a basi lanceolatâ subulato parte

cymbiformi paulò breviori terminatis, acheniis interioribus longiusculè attenuato-scabridis.

Hab. in Palæstinâ Arabiæ conterminâ ad meridiem urbis *Gaza*. (Boiss.)

A. præcedenti distinctissima caulibus diffusis aliisque notis in diagnosi enumeratis.

PICRIS CAMPYLOCARPA Boiss. et Heldr. in pl. Anat. exs. 1846. (Sect. *Eupicris*.)

P. biennis tota infernè longiùs supernè brevissimè et tenuiter setuloso-glochidiata asperula, caule erecto elato infernè folioso supernè dichotomè ramosissimo, foliis oblongo-spathulatis infimis basi attenuatâ pinnatilobatis lobis parvis obtusis, intermediis sessilibus basi obscure auriculatis repando-sinuatis subintegris, summis linearibus pedunculis nudis vel 1-2 squamulis obsitis capitula multò superantibus, involucri phyllis glaucescenti-livescentibus ad medium puberulis farinaceis ad marginem membranaceis non setosis, exterioribus triangularibus interioribus linearibus acutis, ligulis concoloribus involucreo duplò longioribus, acheniis brevibus angulatis transversè valdè rugulosis valdè incurvis basi subattenuatis supernè in rostrum eis dimidiò brevius angustatis, pappo omnium conformi niveo achenio longiori.

Hab. in collo saxoso aprico propè *Kourmalu* Pamphylæ ad radices montis *limax* Fl. Maio. (Held.)

Planta bipedalis, flores illis *P. hieracioidis* majores, achenia cum rostro 2 $\frac{1}{2}$ lin. longa; ab eâ et cæteris speciebus generis distinctissima acheniis brevibus et valdè incurvis.

PICRIS CYANOCARPA Boiss.

P. annua tota setulis albis brevibus apice glochidiatis densiusculè canescens aspera, foliis radicalibus oblongis basi attenuatis pinnatilobatis runcinatis vel sinuato-repandis brevibus, caulibus scapiformibus ascendentibus pumilis simplicibus vel bifidis bicephalis folio caulino uno alterutrove angustè lineari donatis, pedunculo parcè squamuloso, involucri phyllis exterioribus paucis linearibus interioribus linearibus acuminatis farinaceo-puberulis prætereàque dorso albo-setosis, ligulis concoloribus involucreo duplò longioribus, acheniis omnibus conformibus cyaneo-glaucescentibus transversè valdè rugosis in ros-